



Broj:
Sarajevo, __.__.2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na 17. sjednici održanoj 27.06.2018. godine, primilo je k znanju

Informaciju Gradskom vijeću Grada Sarajeva kao osnivaču JP Sarajevo d.o.o. Sarajevo o mogućnostima preuzimanja obavljanja komunalnih poslova iz nadležnosti Grada Sarajeva.

PREDSJEDAVALJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

INFORMACIJA
GRADSKOM VIJEĆU GRADA SARAJEVA KAO OSNIVAČU JP SARAJEVO D.O.O. SARAJEVO
O MOGUĆNOSTIMA PREUZIMANJA OBAVLJANJA KOMUNALNIH POSLOVA
IZ NADLEŽNOSTI GRADA SARAJEVA

Predlagač: Gradonačelnik

Obrađivač: Gradska služba
za urbano planiranje, investicije,
stambene i komunalne poslove

Juni, 2018. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Gradsko vijeće Grada Sarajeva donijelo je Odluku, broj 01-02-1226/16 dana 27.07.2016. godine kojom je osnovalo Javno preduzeće za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva. Ova Odluka objavljena je u „Službenim novinama Kantona Sarajevo“, broj 32/16.

Već iz samog punog naziva osnovanog preduzeća je vidljivo za koje namjene je oformljeno i da će se u tom smjeru razvijati djelatnosti tog preduzeća.

U Statutu JP Sarajevo d.o.o. predviđene su i registrovane djelatnosti kao što su osnovno čišćenje zgrada, ostale djelatnosti čišćenje zgrada i objekata, ostale djelatnosti čišćenja, uslužne djelatnosti uređenja i održavanja zelenih površina, ali i drugi komunalni poslovi.

U tom smislu nadležna Gradska služba za komunalne poslove je obavila niz sastanaka gdje su se analizirali mogući poslovi koje bi JP Sarajevo d.o.o. mogao obavljati za Grad Sarajevo. Načelno je dogovoreno da poslove kao što su održavanje fontana i česmi (održavanje i čišćenje), čišćenje korita rijeke Miljacke (košenje i čišćenje trave, fugiranje zidova korita, deviperizacija, izvlačenje i čišćenje mulja, izrada i postavljanje fizičke barijere na Kozijoj ćupriji u koritu rijeke Miljacke), čišćenje fasada (čišćenje i skidanje grafita u skladu sa zvaničnim katalogom Zavoda za zaštitu kulturno-historijskog naslijeđa KS), održavanje iluminacije i čišćenja mostova (održavanje iluminacije, čišćenje i skidanje grafita, čišćenje odvoda i sl.), JP Sarajevo d.o.o. preuzima u rad već u ovoj 2018. godini, dok bi za druge moguće poslove kao što je održavanje Bijele tabije i Jajce kasarne, ovo preduzeće moglo preuzeti nakon predaje na korištenje.

U narednom periodu, također, neophodno je razmisliti i o predaji na održavanju biciklističke staze, nakon njenog završetka na području Općine Novo Sarajevo, ali i završeni dio na području Općine Novi Grad Sarajevo. Ovdje se posebno misli na farbanje izbljedelih i oštećenih dijelova, te ponovno stavljanje uništenih i oštećenih saobraćajnih oznaka na samoj stazi.

Ove i slične poslove JP Sarajevo d.o.o. bi obavljao po osnovu provedenih postupaka koji bi se vodili u skladu sa Zakonom o javnim nabavkama BiH. Nakon provedenog postupka i ove Ugovorene obaveze Grad Sarajevo bi zaključio Sporazum sa JP SARAJEVO d.o.o. i uplaćivao finansijska sredstva ovom preduzeću. Na taj način bi se osiguralo transparentno i zakonito trošenje planiranih budžetskih sredstava.

Također, neophodno je ukazati na činjenicu da Grad Sarajevo kao organ uprave nije u mogućnosti ostvarivati bilo kakav prihod od objekata koji su mu dati na korištenje. Ovdje se najviše misli na Bijelu tabiju i Jajce kasarnu, dok bi JP Sarajevo d.o.o. Sarajevo u skladu sa pozitivnim propisima moglo kao preduzeće osnovano od strane Gradskog vijeća po raznim osnovama ostvarivati prihod i od takvog prihoda učiniti bolja i veća ulaganja u ove objekte (usluge parkinga, unaprjeđenje turističkog sadržaja na osnovu kojeg bi se mogao naplaćivati ulaz, izrada view point-a za slikanje turista i sl.). Ovakav slučaj je i sa izgrađenim toaletima u Vilsonovom šetalištu za koje Grad Sarajevo ima obavezu kao investitor, održavanje te u tom smislu ima i određene nezanemarive troškove (ugovore o djelu za dva lica na održavanju, režijske troškove, održavanje i sl.). I ovaj objekat bi mogao biti predat JP Sarajevu d.o.o. koji bi mogao ostvariti i minimalan prihod kojim bi pokrивao navedene troškove.

Grad Sarajevo je stanovišta da je o ovim namjerama neophodno informisati Gradsko vijeće Grada Sarajeva iz razloga jer se radi o preduzeću koje je osnovalo Vijeće, te da će ovo preduzeće u narednom periodu dobiti dobar dio novih poslova za koje je i registrovan.